



Broj: 02-40-582/14
Fojnica, 07.05.2014. godine

Na osnovu člana 5. Pravilnika o raspodjeli sredstava za kulturu, broj 02-40-582/14 od 05.05.2014. godine, Služba za društvene djelatnosti i stambeno-komunalne poslove Općine Fojnica raspisuje

JAVNI POZIV za raspodjelu sredstava namijenjenih kulturi u 2014. godini

I

Raspisuje se javni poziv za finansiranje ostvarivanja javnog interesa u oblasti kulture na području Općine Fojnica, a u skladu sa Pravilnikom o raspodjeli sredstava namijenjenih kulturi u 2014. godini.

II

Sva udruženja iz oblasti kulture, koja imaju namjeru aplicirati za dodjelu sredstava, potrebno je da ispunjavaju slijedeće uslove:

- da je nosilac projekta, odnosno podnosilac aplikacije, organiziran u skladu sa pozitivnim zakonskim propisima najmanje 12 (dvanaest) mjeseci prije objave Javnog poziva, te da blagovremeno izvršava obaveze u skladu sa članom 33. Zakona o udruženjima i fondacijama („Službene novine F BiH“, broj 45/02),
- da ima sjedište na području Općine Fojnica,
- da je zahtjev podnio Upravni odbor ili Predsjedništvo udruženja,
- da ima obezbjeđene tehničke uvjete za realizaciju programskih aktivnosti,
- da ima dokazanu sposobnost za realiziranje aktivnosti iz oblasti sporta,
- da ima usvojen Program rada za tekuću godinu,
- da ima Finansijski plan za tekuću godinu,
- da ima finansijski izvještaj za prethodnu godinu, sa Bilansom stanja i Bilansom uspjeha, ovjerenim od AFIP-a do 28. februara tekuće godine,
- da je ispoljena racionalnost u korištenju ranije dodijeljenih sredstava i da su budžetska sredstva uredno i na vrijeme pravdana.

III

Prijava treba sadržavati:

- popunjen prijavni obrazac,
- rješenje o registraciji (ovjerena kopija),
- uvjerenje o poreznoj registraciji (ovjerena kopija),
- uvjerenje o izmirenim poreskim obavezama,
- transakcijski račun (ovjerena kopija ugovora s bankom ili potvrda banke),

- program ili projekat kojim udruženje aplicira za dodjelu sredstava, sa posebno razrađenim oblastima: naziv programa/projekta, programski ciljevi, ciljne grupe, broj učesnika, očekivani direktni i krajnji rezultati, konkretne aktivnosti programa koje će biti poduzete, ukupni troškovi realizacije programa/projekta i izvori finansiranja, vremenski plan provođenja aktivnosti, način informiranja javnosti o aktivnostima realizacije programa/projekta,
- bilans stanja i Bilans uspjeha za proteklu godinu, ovjeren od AFIP-a do 28. februara tekuće godine (ovjerena kopija),
- tekstualni i finansijski izvještaj za udruženja koja su dobila finansijsku podršku iz Budžeta Općine Fojnica u prethodnoj godini,
- za programe koji se provode u školama dostaviti pisanu saglasnost direktora škole, odnosno nadležnog ministarstva.

IV

Kriteriji za ocjenjivanje:

- način finansiranja programa/projekta,
- kulturna promidžba Općine, kantona, države,
- tradicionalnost programa/projekta,
- doprinos razvoju kulture na području Općine Fojnica,
- broj mladih/učesnika uključenih u oblast kulturno-umjetničkog amaterizma,
- unaprijeđenje i razvoj kulturne baštine.

V

Uputstvo za aplikante i prijava programa/projekta za finansiranje ili sufinansiranje sredstvima iz budžeta Općine Fojnica, bit će objavljeni na web stranici Općine Fojnica i dostupni na info-punktu Općine Fojnica.

Prijave sa dokumentacijom podnose se Službi za društvene djelatnosti i stambeno-komunalne poslove Općine Fojnica, s naznakom: „Komisija za društvene djelatnosti – dodjela grantova za programe/projekte iz oblasti kulture za 2014. godinu – NE OTVARAJ“, Bosanska 94, 71270 Fojnica, lično ili poštom.

VI

Javni poziv ostaje otvoren 15 dana od dana objavljivanja na oglasnoj ploči i zvaničnoj web stranici Općine Fojnica.

OPĆINSKI NAČELNIK

Salkan Merdžanić, dipl.ing.šum.